


Exempel 1. Lehret die proportion der örter zu erfahru
oder zu erkennen/ vnd die selben zu cartiern.

Wir wollen fur vns nehmen diese vier Stät/ als Leyden / Delfft /
Rotterdam vnd Goude / deßgleichen diese zwey Dörffer / Su-
derkerck vnd Alphen in Holland. Gesezt das man alle dieser örter
Thurn sehen mag/ auff einem Thurn zu Leyden / vnd auch auff ei-
nem Thurn zu Delfft. Nun die proportion der distanctien von
diesen orten zu erfarn vnd zu bekennen/ so observiere vnd suche man
mit dem Quadrantē/ nach vnderricht des dritzehnensten Capitels im
ersten theil vnser Practica des Landmessens, auff dem Leydnischen/
deßgleichen auch auff dem Delffter Thurn / die größe der winckeln/
so alle die örter von ein ander machen (dan L bedeut in dieser figur



Leyden/ D Delfft/ R Rotterdam/ O Suderkerck / G Goude/
A Alphen) nemblich auff der linij D L, die größe oder weiten der
winckel

R